



Kommuneqarfik Sermersooq

Isumaginninnermut, Suliffeqarnermut Inuussutissarsiornermullu
Ingerlatsivik
Forvaltningen for Velfærd, Arbejdsmarked og Erhverv

Ulloq /Dato : 3. marts 2015

J.nr.: 72.01.01

Brev nr.: 2015-01-02-0021

Piniarnermut, Aalisarnermut Nunalerinermullu Naalakkersuisoqarfik
apnn@nanoq.gl

Akiliisitsilluni tutunuk umimmannillu 2015-mi aasamiit 2018-mi ukiumut aallaaniartitsinermi pisassiissutit piffissallu aallaaniarfissat pillugit tusarniaanermut akissut

Kommuneqarfik Sermersuumi Isumaginninnermut, Suliffeqarnermut Inuussutissarsiornermullu Ingerlatsiviup 2015-mi aasamiit 2018-mi ukiumut tutunuk umimmannillu aallaaniartitsinermi pisassiissutissat piffissallu aallaaniarfissat pillugit tusarniaanermut atortut kingusinnerpaamik ulloq 3. marts 2015 akeqquneqartut tiguai, qujavorlu tusarniaanermut atatillugu akissuteqarnissaminut periarfissinneqarami.

Ingerlatsiviup akiliisitsilluni aallaaniartitsisarneq periarfissalissuartut isigigaa aamma kissaatigineqarpoq sulisussaqaarnissap isertitassatigullu periarfissat eqqarsaatigalugit sinaakkutissat pitsaanerpaat pilersinneqassasut.

Tusarniaanermut atortussani siunnersuutigineqarpoq sumiiffiit ilaanni akiliisitsilluni aallaaniartitsisarmissaq nalinginnaasumik ulluni 14-ni sivitsorneqassasoq. Tutunniarneq umimmanniarnerlu pillugit nalunaarut 2013-meersoq naapertorlugu ukioq kaajallallugu tutunuk umimmannillu angutivissanik akiliisitsilluni aallaaniartitsisoqarsinnaavoq, taavalu Kulavannik norrarnillu akiliuteqarluni aallaaniarneq piffissami 1. aggustimiit 31. decembarip tungaanut ingerlanneqartarpoq kiisalu umimmannik arnavissanik norrarnillu aallaaniarneq ingerlanneqartarpoq piffissami 1. aggustimiit 28. februaarip tungaanut.

Ingerlatsiviup innersuussutigaa, Namminersorlutik Oqartussat tutunuk umimmannillu akiliisitsilluni aallaaniartitsinermut tunngatillugu aallaaniarfissatut piffissaliunneqartut sivitsorneqassasut inatsimmi sivilunerpaamik periarfissiissutaasut atorlugit taamaaliornikkut inuussutissarsiut pitsaanerpaanik atugaqartikkumallugu.

Akiliisitsilluni aallaaniartitsinermik ingerlataqartut ilaasa arlallit nittartagaanni takuneqarsinnaavoq, taakku aamma inuussutissarsiutigalugu piniartuusut. Akiliisitsilluni aallaaniartitsinerup sivitsorneratigut taakku inuussutissarsiutigalugu piniartut aamma periarfissinneqassapput pilersaarusiornissaannut taamatullu akiliisitsilluni aallaaniartitsinissaannut piffissap isertitakilliorfiusup nalaani.

Tusarniaanermut akissut allaffissortunit suliarineqarpoq aamma politikerinit suliarineqalerpat allangortoqarsinnaanera eqqaamaqquneqarpoq, tusarniaanermut akissutip politikerinit suliarineqarnissaa periarfissaqarsimangimmat.

Inuulluaqqasillunga // Med venlig hilsen //Best Regards

Grethe Nielsen

Isumaginninnermut, Suliffeqarnermut Inuussutissarsiornermullu pisortaq

Direktør Velfærd, Arbejdsmarked og Erhverv

Kommuneqarfik Sermersooq

Postboks 1005, 3900 Nuuk, Grønland Tlf.: (+299) 36 70 00 E-mail: kommuneqarfik@sermersooq.gl

Ammasarfiit

Ataa. – Ping. 10.00 – 15.00
Sisamangorneq 12.00 – 17.00
Tallimangorneq 10.00 – 12.00

Åbningstider

Man. – Ons. 10.00 – 15.00
Torsdag 12.00 – 17.00
Fredag 10.00 – 12.00

GER-nr. 31290937

Bankkonto 6471-1000052

PBS-kreditor nr. 01938681